

In PáadÉ?IN Ta?nin Paul-di In Thessalonica Búu?úwi Méesate?in T'owa ovâyta?nannin

1 Na?in Paul-á Silas-á hedá Timothy-á gimuu?indi un méesate?in t'owa oe Thessalonica búu?ú íthaa?in wâyta?do?, undá Yôesi na?inbí Tádáví?in hedá Na?inbí Sedó Jesus Christ-ví?indá ímuu. Yôesiví séegísehkanä bîn má?ve-í, hedí idi wovâykhage?namí anshaaginpidíbo? íkwó?nídí.

Háa Yôesiví t'owa oe Thessalonica búu?ú dithaa?in dívíwhâyunde waa hedá háa inbí wówátsi dâyhon waa

2 Hãädi waa ívívíúusu?o? ihaydi Yôesi Tádá áykú?daa?o? un ímuudi, 3 hedí Yôesi na?inbí Tádáví?piye? ívívíúúndedi ívívíúusu?amídí hãädi wänbo t'ähkí ívíví?ánshaa?o? háa úvíví?in Jesus-ví?piye? úvívíwhâyundedi, hedá háa báyéki úvít'ôemáa?indá Jesus bînséegídí, hedá háa úvíví?ä?o?indá Na?inbí Sedó Jesus Christ nawáy?ä?ídi úvívísíkha?máadi.

4 Tí?úuwín páadé?in, un Yôesi Tádádí wovâyséegi?in, gínhanginná idi wovâyde?mannin ívíví?in ímúnídí. 5 Yôesi Tádáví híwó?di tuu na?indi wây mági?i tuuda?wínamuupí, hewänbo hãäwí kay?i namuu, hedí wây t'ôe?odi i Yä?dâa?i P'oweahhâa na?indádí nayí?, hedí gínhanginná ná?i tuu-á ta?gen namuu?in. Undá únhanginná háawin

wówátsi âyhonnin undádí giyi? ihaydi, hedi t'ähkí íví'andi-á ungi'da? namuu. ⁶ Hedi ihaydi úvísó'dêe na'in waagi'inbá hedá Na'inbí Sedó Jesus waagi'ba-á ímúnídí, hedi tobáháa báyéki t'ôephade únpówá wänbo?, i Yä'dâa'i P'oewahâadi híhchan wovâymägi na'inbí tuu dínhógi ihaydi.

⁷ Hediho t'ähkí in wé'ge'in Jesus-ví'piye? dívíwhäyunde'in oe Macedonia nange hedá Greece nangá dikw'ó'nin undá bínkeeyan háawin wówátsi in dínkhây'ä? dâyhûuwí'in. ⁸ I tuu Na'inbí Sedó Jesus-ví'gedi thay'eedi unbí'wedi napeedi oe Macedonia-piye? hedá Greece-piyá nawadedee, hewänbo iwepiyeda'ba yoe, wéngé t'ähkí t'owa ho dit'oe háa Yôesiví'piye? úvíwhäyunde'in, hediho wínatáypí wiyá háawên unbí whäyu i'gedi äytu'âamídí. ⁹ Hâ'in t'owabo unbí'gedi ditü? háa undi na'in díseegi'annin, hedá háa hääwí bínkhíyédi unbí yôesi waa bínchaa'i bínyoe'annin Yôesiví'piye? úvíwhäyú-ídí, hedá háa nää-á i kodi'di Yôesi bín'a'ginmä'in, i-á i ta'gendi nawówayi'i namuu, ¹⁰ hedá wá? dit'oe háa nää íví ay ûnmuu'i bínstíkha'máa makówádí nawáy'ää-ídí, i-á Jesus namuu, i Yôesi Tádádí óewáywówápaa'i?, hedi idibá dín'aywonkhâymaa owáy ihay thaa Yôesi Tádádí t'owa ovâyutchánu iwe, inbí t'aywó'di dínmuudi nat'aydi.

2

Háa Paul oe Thessalonica búu'ú Yôesigi? it'ôe'an waa

¹ Tí'ûuwín páadé'in, únhanginná unbí'we giyi? ihaydi háa íví'an waa wínapedeepí. ² Undá

úhanginná unbí'we gipówápídíbo báyéki dí'tôephadekannannin hedá báyéki híwó'pí' na'in díhée'annindá oe Philippi búu'ú. Hewänbo tobáháa báyéki t'owadi dí'ahkhâ'amí'in dida' wänbo na'inbí Yôesidi khuwôeda' dînyâ'an iví híwó'di tuu wâytu'âamídí. ³ Na'indi wâywhäyü'amídí ívísó'dinde' ihaydi, in ta'gen namuu iwedi wí'ívíhânge'anpí, hedá na'inbí ánskaa-á yä'dâapí' wíginmuupí, hedi hääwí wänbo unbí'wedi wí'âykaayanpí. ⁴ Yôesi Tádádí na'in dítayi', hedá dímu' ihay híwó'nin gimuu'in iví híwó'di tuu âyt'ôe'amídí. Hediho ívíhí'máadi wí'ívísó'dindepí t'owa âywänpihíhchannamídí, hewänbo Yôesi Tádá-ân âyhíhchannamídân. I-áho hääwí t'ähki na'inbí pí'nä khó'yé âymáa'i' imúnde'. ⁵ Ün úhanginná sa'wó'gí unbí'gedi wí'ívíwänpihíe'anpí, hedá wá' wí'ívíhîeyó'anpí undi hääwí dímäänídí. Yôesi Tádá ûhanginná nä'indá in ta'gen namuu'in. ⁶ Hedá undádí giyi' ihaydá wí'ívísó'dindepí t'owa na'inbí'gedi híwó' dívíhíe'amídí, un wänbo-á háa wây-á to'wên wänbo-á yoe, tobáháa Christ-ví t'ôekhuwa'in gimuuđi gínk'ôe wänbo he'ennin dípaa-ídí.

⁷ Hewänbo na'in undádí giyi' ihaydi, wí yíyá iví áyyää itsäa'odi ovây'âyínmáa waagibá wâysehkaná'an. ⁸ Na'indi báyéki wâyda', hedi na'inbí séegi unbí'piye' gínmuudânkun gikhâymuu Yôesi Tádáví híwó'di tuu wâymäänídída'ba yoe, hewänbo na'inbí wówátsi wá'. ⁹ Tí'úuwin páadé'in, ti wí'ún'ánshaapí'an, undádí gikw'ó' dihaydi báyéki ívít'ôe'an. Yôesi Tádáví híwó'di tuu wâytuuphadende' ihaydibá khu-á thaa-á

ívit'ôe'an wá' âychä't'aanídí, hedânho un wí'bo wí'úntâynípi háäwí gíntáy'i dí máänídí.

10 Un Christ-ví'piye' úvíwhäyunde'indádí na'in gikw'ó' dihaydi, háa na'inbí wówátsi âyhon waagi yä'dâa'indá ta'ge'indá gínmuu, hedá to'wí wänbo-á wí'ûnkoedipí wên háawên wänbo na'inbí'piye' dînt'e'p'íde-ídí. Un únhanginná hedá Yôesi Tádá wá' únhanginná nã'in in ta'gen namuu'in. 11-12 Hedá wá' un únhanginná wí'ínbo wâyhée'annin, hedi na'indi wâytumakhe'an wí tádá iví áyyäâ ihée'o waagibá, hedá wâykweewaasenwaatu'an, hedá kaygi'didá wâyhée'an unbí wówátsi híwó' bînhûuwídí hedânho Yôesi Tádá nahíhçaa-ídí. Idânho wówâytukánnan iví'piye' í'ää-ídí makówápiye' ímu-ídí hedá iwá he'ennin ípúwídí.

13 Hedi wíyá háäwí namuudi wá' Yôesi Tádá háädi wänbo t'ähkí âykú'daa'o'. Nã'i tuu wâytumáa'i' un ít'oedi hedá bînséegí'andá Yôesiví'wedi na'ää'in úvíwhäyü, t'owaví'wedida' bá yoe. Hedi ta'gendi Yôesiví tuu-ân únmuu, hedi nã'i tuubá un ipiye' úvíwhäyunde'inbí pí'nã khó'yé ít'ôemáa.

14 Tí'ûuwín páadé'in, háa in Judea nangewin méesate'in t'owa Yôesi Tádá óe'a'ginmä'in hedá Christ Jesus-ví'piyá dívíwhäyunde'in dínpóe waagibá un hanbá únpóe. Unbí ówînge'in t'owadibo wovây't'ôephadekannan in Hudíyodi inbí t'owa oe Judea ovây't'ôephadekannan waagibá. 15 In Hudíyodânkun hân'oe Yôesi Tádáví tukhe'min ovâyhanú, hedá indibá Na'inbí Sedó Jesus óehay, hedá na'indá wá' díkhehpiye. Indidá Yôesi Tádá háy wänbo wí'óehíhchandopí,

hedá toʷwên t'ähkí dâyyoegiʷoʷ. 16 Dívísóʷdêe díʷahkhâa-ídí in Hudíyo dimuupiʷin t'owa hádídí ovâyʷaywoeniʷin wíʷâyt'ôeʷâamípidí, hedí handídi náʷin Hudíyoví t'aywóʷdi dínsômân, hedího Yôesi Tádá inbíʷpiyeʷ nat'aydi náä inbí tuchânu ho dínpówá.

Paul hânho nadaʷ in Thessalonica-win méesateʷin t'owa ovâymuníʷin

17-18 Tíʷûuwin páadéʷin, unbíʷwedi wí hây tähkí giwiyedee, hewânbo tobá undádí wígikw'ôhpi wânbo waʷdi naʷinbí píʷnä khóʷyé unbíʷgedi wâyʷánshaamáa, hedího hânho wíyá wâymuníʷin gidaʷ, hedí unbíʷpiyeʷ gimú-ídí ívísóʷdindeʷ. Naa Paul háyânbo dáysóʷdêe wâymunídí, hewânbo i Penísendiđi díʷahkhándeʷ. 19 Owáy Naʷinbí Sedó Jesus nawáyʷäädi iví páadépiyeʷ giwin dihaydi, gitsíkha unnân iwebá wâymunídí, hedá un ímuudá gihíhchangít'ôe, hedá unbíʷgedá ívíyêngihéeʷamí, wí háäwí git'anpóeʷiʷ ímuu waagibá. 20 Un ímuudânkun naʷin hânho híwóʷ gichanpoʷ hedá ívíhíhchandoʷ.

3

1-3 Naʷin hânho gihanginʷândaʷ háa un únpóʷin, hedí báyéki gitaachanpóedí wígitsíkhakandaʷpí gínhanginpúwíʷin, hedânho giʷân shánkí híwóʷ namúní kinnân ívíʷamíʷin: Naa oe Athens oʷân dihaydi iwebo dáywóyíʷ, hedí iwedi naʷinbí tíʷûu páadéʷi Timothy unbíʷpiyeʷ âysan, i-á naʷindádí it'ôeʷoʷ t'owa ovâyʷt'ôeʷamídí Yôesi Tádáví híwóʷdi tuu Christ-víʷgedí. Hedího unbíʷpiyeʷ i wâysan wovâykweewaasenwaatuʷâamídí hedá

wovâykhäge?namídí shánkí kay?indi Christ-ví?piye? úvíwhäyú-ídí, hedânho i t'ôephade únpoé?i? namuudi wí?úvíyâa'amípídí unbí whäyü iwedi. Unbo únpihanginná Yôesi Tádádí ná?i t'ôephade dînpúuwí?in imä?. ⁴ Wa?di undádí giyi? ihaydibo wa? napóepídibo? ihayda? wâytu?o? âyt'ôephadegít'óe?in, hedi únhanginná hanho napóe?in.

Timothy-di Paul óetu'an in Thessalonica-win méesate'in t'owa híwó? dimännin

⁵ Hedânkun báyéki otaachanpóedi wíðintsíkhakoedipí Timothy unbí?piye? dósaanídí. Naa hânho ohangin?ânda? unbí whäyü i'gedi háa kay?in únmuu?in háa yoe. Áyîngi iwe o'ânwân gá o'ândân hádíwáy i Penísendídi wovâyt'annin, hedi wovâyt'andá hääwí t'âhkí ungi? íví?andi pedee?in gínpuwí. ⁶ Hewânbo náä-á Timothy na?inbí?we nawáypówá, hedi wí híwó?di tuu úvíkanhon ni'gedi dînkán. Idi dítu'an unbí whäyü wa?di únkay?in hedá séegi-á bînmáa?in, hedá häädi wânbo t'âhkí na?inbí?gedi híwó?da? úví?ánshaamáa?in, hedá ta'gendá ída?in wíyá díwáymúní?in, na?indi wâymúní?in gida? waagibá. ⁷ Hedânho tí'úuwín páadé?in, wa?di híwó?bo úvíwhäyunde?in gínhanginpóe ihaydi báyéki gihíhchanpóe, tobáháa báyéki kây?i t'ôephade iwe gikw'ôn wânbo?. ⁸ Náä gínhanginná unbí whäyü Na?inbí Sedó Jesus-ví?piye? kay?in únmuu?in, hediho hânho sa?wó? na?inbí wówátsi áyhon. ⁹ Na?indi Yôesiví?piye? wâyüusu?odi hânho gihíhchanpo?, hediho un ímuudi tobáháa háyü Yôesi Tádá áykú?daa?o wânbo?, ihay kú?daa wânbo

wa? wí'ây'ohpí. ¹⁰ Khuu-á thaa-á pín ta'ge haydi Yôesi Tádáví'piye? ívíyûusu'o? idi dípunmäänídi unbí'piye?, hedânho wíyá wâyhá'amídi, hedi handídi wíyá hääwí úntáy'i? íhâhpúwí shánkí híwó? úvíwhäyú-ídi.

¹¹ Yôesi na'inbí Tádá hedá Jesus na'inbí tsondi hay'i-á âyda'máa unbí'piye? díhûuwídi. ¹² Gida'po? Na'inbí Sedó Jesus-di wovâykhäge?namídi hedânho shánkí wânbo wí'nä táye úvíséeghûuwí, hedá wé'ge'in t'owa-á wá? hanbá bînséeghûuwí. ¹³ Handídanho Na'inbí Sedó Jesus-di unbí pí'nä khó'yé shánkí wovâykaymääní, hediho owáy i nawáypówá ihaydi t'âhkí in wé'ge'in t'owa iví'in ûnmuu'in wóegé, undá yä'dâa'inbo Yôesi Tádáví páadépiye? úvíwínú-í, hedá wên háawin wên wânbo wovây't'e'p'íde-í'in wívînmá've-ípí unbí pí'nä khó'yé.

4

Gínkhây'ä? híwó? na'inbí wówátsi âyhûuwí'in Yôesi âyhíhchannamídi

¹ Tí'ûuwín páadé'in, nää nã'i wâytu'âamí: Háa unbí wówátsi bînhûuwí'in Yôesi Tádá bînhíhchannamídi wâyhá'anho?, hewânbo Na'inbí Sedó Jesus-di dînk'û? wâydaa'amídi hedá wâytumakhe'amídi shánkí wânbo úvísó'dêe-í'in kin úví'âamídi. ² I tsontu wâytu'andi? un únhanginnânho?, hedi nã'i tsontu-á Na'inbí Sedó Jesus-ví'wedân na'ää.

³ Kinnân Yôesi Tádá nada? úvíkanhûuwí'in: Yä'dâa'inda? unbí wówátsi bînhûuwí, hediho to'wí unbí sedó háa kwiyó wí'únmuupí'-ádi

wí'úvíwhòkwomá've-ípí. ⁴⁻⁵ Yôesi Tádá nada? un únhanginnání'in háa unbí túu'ú bîntsonmá've-í'in, hedânho yä'dâa'in ímúní hedá t'owadá wovây'a'geeni, hedí unbí túu'údí háa íwânpichaa waagida' wí'úví'âamípi, hedânho in wé'ge'in t'owa Yôesi Tádá dâytaapi'in dívíkanhon waagi wí'úví'âamípi. ⁶ To'wí wânbo wí'úkhây'âhpi wiyá to'wí Jesus-ví'piye' iwähäyunde'i híwó'pí óemá've-í'in háa iví kwee háa sen óekwee-í'in. Thay'eedi hedá kay'indá ho wâytu'an, Na'inbí Sedó Yôesidi in to'wên han díví'o'indá ovâyutuchänukhâymaa. ⁷ Yôesi Tádádí na'in dítukánnan iví'in gimúnídí hedânho yä'dâa'inda' gipúwídí, tsé waagi'inbá giyêenidá yoe. ⁸ Hedího to'wên ná'i híwó'di háhkan dâyyoegimáadáho wí hí' t'owaví'da' wí'ovâyyoegi'opí, hewânbo Yôesi Tádáví hí'-ân ônyoegi'o'. Yôesi Tádádânho iví P'oewaahâa dímagi, hedí ná'i P'oewaahâa-á yä'dâa'i namuu.

⁹ Wínatáypí naadi wâyta'namí'in háa únkhây'ä'in in wé'ge'in Jesus-ví'piye' dívíwhäyunde'in bînséegíhúuwí'in. Yôesi Tádádí ho wovâyhá'an kin úvíkanhúuwí'in. ¹⁰ Hedí ta'gendi undi t'ähki in Jesus-ví'piye' dívíwhäyunde'in hää Macedonia nange dikw'ó'nin bînséegí, hewânbo kaygi'di wâytumáa wiyá shánki wânbo bînséegíhúuwí.

¹¹ Úvísó'dí'be-í unbí wówátsi hanginpi híwó' bînhúuwídí, hedá ún'áyíngiwó'náhpí i'ge wí'úvítomá've-ípí, hedá unbí wówátsi únmuu'ígí' úvít'ôe'âamí bînpichä't'aanídí, háa na'indi wâytu'an waagibá. ¹² Kin úvíkanhondi t'owaví khäge' wí'úntâynípi, hedá háa unbí wówátsi bînhon waagidi t'owa Yôesiví'piye' dívíwhäyundepí'in

dimuu'indá wovây'a'ginhûuwí.

Háa napuwagít'óe'in Jesus nawáy'ää ihaydi

¹³ Tí'ûuwin páadé'in, gida' un únhanginnání'in háa in to'wên inbí wówátsi dâybowa'in dínpuwagít'óe'in. Wáy wên t'owa-á i'gedi wídnhanginnáhpí, hedânkun to'wí nachuu ihaydi dik'áykháapo'. Naa wó'da'pí íchanpúwí'in háa in dichaa waagibá. ¹⁴ Ívíwhâyunde Jesus nachuu'in hedá nawáywówápóe'indá, hedânkun kin wá' ívíwhâyunde': To'wên Jesus-ví'piye' dívíwhâyunde'in inbí wówátsi dâybowa wânbo', Yôesi Tádádí ovâywáywówápa-í Jesus-ádi dikwo'nídí owáy nawáy'ää ihaydi.

¹⁵ Ná'in wâytukankhâymáa'in Na'inbí Sedó Jesus-ví hí' ûnmuu: I nawáy'ää ihaydi in to'wên inbí wówátsi dâybowa'inbí páadébo na'in wa'di giwówáyí'in íví'piye' wíginánpí. ¹⁶ Kinnân napúwí: T'owa dit'óe-í wên tsontuu kaygi nakeetú'nin waagi'inbá, hedá i p'ó'dédí' makówáwi t'ôepa'aa'íví tuu waagibá-á, hedá Yôesi Tádáví tenphé waagibá-á. Ihaydáhá' Na'inbí Sedó Jesus-á makówádá nawhání. Ihaydibá in to'wên dihánnin Jesus-ví'piye' dívíwhâyú'indá diwáywówápúwí, ¹⁷ hedáhá' na'in wa'di giwówáyí'indá wé'ge in dihánnindádí oe okhúwá nakw'ó' diwepiye' dípiyegít'óe, hedí iwe Na'inbí Sedó Jesus áyyáy-í, hedího i-ádi hánhay wânbo t'ähki gikwo'ní. ¹⁸ Hedího únkhây'ä' ná'i háäwí i'gedi wí'ná táye úvíhí'má've-í'in hedânho wí'ík'áykháa-ípídí.

5

Gínkhây'ä' gikhâymuní'in Jesus nawáy'ää-ídi

¹ Tí'úuwín páadé'in, häädi háa wé'i thaa Jesus nawáy'ä' i'gedi wâyta'namí'in wínatáypí.

² Unbo ta'gendi únpíhanginná Na'inbí Sedó Jesus nawáy'ä'in, hewänbo wínahanginnáhpí häädi i thaa nanání'in. Wí sänbi tsíkhagipí khu'déedi na'ää waagibá, Jesus wá' tsíkhagipí napowagít'óe.

³ T'owa ditú'be-í, "Hääwí t'ähki áyîngipídíbo híwó' gínmän, hedího há'to hääwí wänbo híwó'pí' gínpúwí." Hewänbo wa'di ha'wáa dívíhí'máadi bo t'ôephade dínpuwí, hedí há'to iwedi bahpíbo dipée-í. Tsíkhagipí ná'i dínpuwagít'óe, wí kwee nats'an'eyehaypo' waagibá.

⁴ Hewänbo tí'úuwín páadé'in, undá wên t'owa khuu ee dithaa'in waagi'in wí'ímuupí, undá híwó' únkeet'óe, hedího Jesus nawáy'ä'i thaadi áyîngipídíbo wíwovâyhónípí, wí sänbidi wovâyhóní waagibá. ⁵ Undá t'owa hääwí t'ähki thaadida' úví'o'in hedá nakohthayná' ní'ge ímännin waagi'inbá ímuu, in t'owa hääwí t'ähki khuudi nakohkeet'óepí ee díví'o'in waagi'inbá wí'gímuupí.

⁶ Hedânho wígínkhây'ähpi t'owa yó'in dimuu'in waagi'inbá gímúní'in, hewänbo giyósa'wo waagi gikwó'ní, hedá na'inbí tsiyekandá híwó'dá áy'áyîngihúuwí. ⁷ Khu'déedân t'owa diyókhâyä' hedá dívísuwâyíyéndé'.

⁸ Hewänbo na'in thaadi'in gímuu, hedího na'inbí tsiyekan gínkhây'ä' áy'áyîngi'âamí'in. Yôesivípiye' ívíwhâyú-í hedá t'owa-á âyséegíhúuwí, hedí kin íví'odá wên sundado dikhâywinnin waagi'inbá gímúní, inbí píhkhú iwe'i kwäk'u aa dívípitógidi inbí túu'ú

dây'áyîngi'amídí. Hedá pín ta'gedi gitsíkha-í Yôesidi dîn'aywoenídí, hedi handidá in sundado inbí kwăk'u p'ôhkhândá inbí p'ôn dâ'y'áyîngi'o'in waagi'inbá gimúní. ⁹ Na'inbí Sedó Jesus na'ingî' i'annin namuudi Yôesi Tádádí díde'man dîn'aywoenídí, t'aydi dítuchänú-ídá yoe. ¹⁰ Jesus na'ingî' nachuu, hedi owáy nawáy'ää ihaydi tobáháa na'inbí wówátsi äybowa wänbo háa wa' giwówáyi wänbo' hánhay wänbo t'ähki i-ádí gikwo'ní. ¹¹ Hediho wí'nä táye úvíkay'âámí, hedá úvíkweewaasenwaatu'âámí, háa nää úvíkanhon waagibá.

Báyékí hääwí i'gedi ovâytumakhe'an

¹² Tí'ûuwin páadé'in, nă'in na'indi wâyda'máa: Bîn'a'ginnamí in to'wên unbí'ge diyí'in Na'inbí Sedó Yôesidi ovâykw'ódi'in wovâypahûuwídí hedá wovâyhá'amídí. Indá kin dâ'y'amídí báyékí dívít'ôemáa. ¹³ Hediho nă'i hääwí wovây'o'i namuudi báyékí bîn'a'ginhûuwí hedá bînséegihûuwí. Hedi t'ähkídíbo tsaaginpidíbo wé'ge íthaa-í.

¹⁴ Tí'ûuwin páadé'in, nă'in tumakhe wá' wâymääní: In dit'ôeda'pí'in bîntu'âámí ha'min wídimúnípi. In dikhuwôeda'in dimuu'in ovâykhäge'namí wídkhuwôeda'ípídí. In kay'indi dívíwínúndepí'indá wá' ovâykhäge'namí. T'ähki t'owa-ádí úvíbo'atâ'amí. ¹⁵ Wí to'wídí wíyá to'wí híwó'pí óe'andáho', wívînkannmäänípi i wí'di híwó'píba ónwaybuunídí, hewänbo undá únkhây'ä' häädi wänbo t'ähki úvísó'dêe-í'in wí'nä táye híwó'da' úvíkanhûuwídí, hedá wé'ge'in t'owa t'ähká wá' hanbá bînhûuwí. ¹⁶ Häädi wänbo

t'ähki íhíhchaa-í. ¹⁷ Häädi wänbo t'ähki íkhâymúni úvíyûusu'amídi. ¹⁸ Íkú'daapúwí tobáháa háa napóe wänbo?. Kinnânkun Yôesi Tádá nada? úví'âamí'in, gá Christ Jesus-ví'in ímuudân.

¹⁹ I Yä'dâa'i P'oewaahâavi t'ôe wívîn'ahkhâ-ípi. ²⁰ Yôesi Tádávi tukhe'min dimuu'inbí hí' hääwí dínchâ'muupí waagibá wívînchanhûuwípi. ²¹ Hewänbo hääwí t'ähki híwó? bîntayi'ni, hedá i híwó'di namuu'ida? bînkxonhûuwí. ²² T'ähki yä'dâapi? namuu iwedi úviyâa'amí, tobáháa hääwí namúni wänbo?

²³ Yôesi Tádádi díkhäge'do? áns Haaginpídiibo gikwo'nídi, hedi idânho wovâykhäge'namí wá' yä'dâa'inda? ímúnídi, hedi idá unbí wówátsi thaa t'ähki wovây'áyîngi'amí, unbí p'oewaahâa-á unbí hâa-á hedá unbí túu'ú-á, hedânho owáy Na'inbí Sedó Jesus Christ nawáy'ää ihaydi hääwídi wänbo wíwovây't'e'p'íde-ípidí. ²⁴ Hedi Yôesi Tádádi ta'gendi wovây'áyîngikhâymaa. Idá wovây'tukánnan iví'in ímúnídi, hedi háa natû' waa ta'gendi i'o'.

²⁵ Tí'ûuwin páadé'in, dînyûusu'âamí.

²⁶ T'ähki in wé'ge'in méesate'in tí'ûuwin páadé'in iwe dikw'ó'nin bînséegísengitû'âamí.

²⁷ Naadi wâytsónmaa, ná'in ta'nin t'ähki in wé'ge'in méesate'in tí'ûuwin páadé'in dit'óe-ídi bîntu'âamí, gá Na'inbí Sedó Jesus kin nada'dân.

²⁸ Na'inbí Sedó Jesus Christ-di iví séegísehkaná wovâymaaí.

Naʼinbí Sedó Yôesiví Tʷʷ / Nanbí Sedó Jôesiví Tun

New Testament in Tewa (USA) (San Juan/Santa Clara)

copyright © 2012 Wycliffe Bible Translators, Inc.

Language: Tewa

Translation by: Wycliffe Bible Translators

Contributor: Wycliffe Bible Translators, Inc.

Naʼinbí Sedó Yôesiví Tʷʷ (San Juan)/ Nanbí Sedó Jôesiví Tun (Santa Clara)

Copyright Information

© 2012, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tewa (USA)

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 4 Mar 2023 from source files dated 29 Jan 2022

f775bf1b-8c8a-5c5e-9288-3b9b00387997